

李義山文集

一

蘇子瞻
集

PDG

李義山文集卷第一



表

為汝南公華州賀赦表

汝南公周輝也會昌元年正月壬寅朔庚戌有事于郊廟禮畢御丹

鳳樓大
赦改元

臣某言伏奉正月九日制書南郊禮畢改元為某大赦天下者
奉郊禋以定天位新曆象以授人時軋健離明震動允悅踐行
喙息罔不慶幸臣某中賀臣聞欽昊天而旅上帝者聖人之重
事覃殊休而發大號者哲后之弘猷故必致四圭以達誠制六
器而申敬將崇嚴配必在元旬先之以蒼璧解牲重之以雲門

大呂然後王猶有闕于薦敬爽彼告虔周官三代之文絕而不
續漢氏萬靈之位失而莫尋豈若皇帝陛下以大道遂羣生以
至公臨寶祚上苞玄象下摠皇祇默幽陟明興發繼絕靈芝甘
露卸之而不告史官亦雁白麟陋之不編瑞牒然後因孟月
卜上辛率于國南式是歲首且天以陛下為子故必饗明誠人
以陛下為天故必流睿澤踰千越萬邁五登三何則取直言之
科則聽輿論者不足算設有過之令則除鄉議者未可倚延賞
推恩用以勸禦灾捍患之士減租退責將以矜水耕火耨之人
養庶老頒渟糜煖帛之資走羣望潔剝牲瘞幣之禮古不睹者

復睹古不聞者復聞萬藝蘇而六幽盡開五刃藏而九土咸聞
臣當時集軍州官吏等丁寧告示訖况臣嘗脩論思獲叨侍從
當時仙禁慙視草以無能此日泰壇望給薪而靡及徘徊旬服
跼蹐闕城雖有慶于文明竟無階于奔走司馬談闕陪盛禮沒
齒難忘蕭望之願立本朝馳魂莫及無任抃舞結戀之至

為京兆公陝州賀南郊赦表

臣某言臣伏奉正月九日制書郊裡禮畢改元為某大赦天下
者既事虞郊復新堯曆天潢瀉潤日觀揚輝普天率土罔不慶
幸臣某中賀臣聞君人之孝莫大于尊祖王者之敬孰踰于事

天故必用因高之儀申嚴配之禮百神攸叙萬靈昭蘇乃可覃
殊恩渙大號禮成而德脩惠敷而慶弘然而秦尚武功先祈禳
之事故柴燎蕭薌未必饗漢稱文物重神仙之道故雲門太簇
未必和既不講于禮官終致譏于儒者伏惟皇帝陛下與春生
育並日照臨究三代之質文酌百主之損益定午位卜上辛齋
潔之誠先掃除而遐達孝思一作思之志叶氣臭以升聞然後推
作解之恩降維新之令設科以招諫諍宥過以務哀矜已責既
恤于三農錄勛無遺于十代頒粟帛而養耆老走牲幣而徧山
川舉皇王之廢官盡古今之能事臣當時集軍州官吏丁寧告

示訖况臣嘗奉恩光切居華瓊當太史撰日之際猶立漢庭及
宗伯相儀之時已辭魏闕怙悵却印徘徊使車徒深傾藎之誠
實積懸弧之歎召公邑內敢思棠樹以追踪尹喜宅中唯望靈
符之復出臣不勝慶幸踴躍之至

玉海載高隱賀大啟表云周
矢漢薪成從蕩滌鄭書皆鼎

弥切哀矜齊臣羞委
之言楚國愧封錢之陋

為汝南公以妖星見賀德音表

臣某言臣伏奉某月日德音以妖星謫見思答天戒者臣當時
集軍州官吏丁寧宣示訖仁深覆載恩極照臨究祖宗之令圖
極皇王之盛事圓首方足固不欣幸臣其中賀臣聞覆載莫大

于天地而升降之氣或不接始臨莫大于日月而薄蝕之度或有差豈唯休咎之徵自是陰陽之事旋觀彗孛載攷策書雖欲為災曷嘗勝德伏惟皇帝陛下荆枝載茂棣萼重輝既居正以體元亦觀文以察變仰窺星彩稍越天常于是深軫皇情重迴宸睠省躬之思洞感於幽明及物之恩畢霑於華夏戒田遊則成湯祝網之意釋冤滯乃大禹泣辜之慈罷去修營惜漢氏十家之產勸課耕耘復周邦九歲之儲德已厚矣仁已極矣然猶避寢自責撤膳貽憂以此延休何休不至以茲脩惠何惠能為足以高步三王平窺百古鞭撻守成之主批糠中代之君抑臣

又聞之昔貞觀之理也太宗文皇帝吞蝗而灾沴息泰岳之封也玄宗明皇帝露坐而風雨消炯戒猶存神靈不遠陛下永懷貽厥有切欽承為其所不為至其所不至佇見地泉流醴天酒凝甘人知朱草之祥家識白麟之瑞天豈芒角足懼暑度可憂者哉臣素乏器能謬當任使東雍西岳雖首化于百城日遠天高但心存于雙闕聽金石而慙殊舞獸無羽翼而恨異冥鴻惟當虔奉詔條頒宣德澤成陛下無偏之道畢獻臣盡瘁之誠所冀不寘簡書免拘司敗如其禮樂非臣所能無任感恩戀闕懇悃屏營之至

為汝南公賀彗星不見復御正殿表

會昌元年十一月壬寅彗星于北落師門

在營室
入紫門

臣某言得本州進奏院狀報今月某日夜彗星不見宰臣某等
奉表稱賀請御正殿復嘗膳者天道甚密聖心不遐感極而灾
亦為祥誠至而妖寧勝德臣某中賀臣聞殷湯以六事責躬止
七年之旱宗景以一言修德退三舍之星歷代以來咎徵常有
苟君能克已則禍不移人伏惟皇帝陛下寅奉丕圖恭臨大寶
遵符列聖酌憲前王昨者天象之間星文稍異載深歸咎爰用
覃恩倉箱畢復于九年羅網并開其三面去營繕絕蕩心之巧

申寃結除滅耳之俘而又正殿不居大庖盡減精誠昭達懇惻
敷聞芒熒遠銷暑度如舊况蕞爾戎羯正犯疆場戴思星見之
徵恐是危亡之兆伏聞稍寬聖慮以擁皇休遵九廟之降祥副
兆人之欽屬臣又聞皇王之事天也雖至理之時不遺于憂畏
雖至和之氣不忘于將迎是故神農焦勞軒帝憔悴堯既癯瘠
舜亦胼胝此四主側身於昔時陛下用心於今日千載符契萬
方懷柔臣嘗忝內朝今居近甸拱辰不及空瞻北極之尊就日
無因忽覺長安之遠唯知抃踊莫可奮飛况時及初正禮當元
會華夷畢至玉帛皆陳小國行人外蕃下土皆得入趨鳳闕仰

望歎尊臣獨限閼河生紫符竹戀既深而詞懇慶已極而涕零
無任感恩賀聖鬱戀屏營之至

為蒙陽公賀老人星見表

憲宗
陽鄭亞也

臣某言臣得本道進奏院狀報司天監李景亮奏八月六日寅
時老人星見於南極其色黃明潤大者聖惟合德神實效祥必
垂有爛之文以表無疆之祚臣某中賀臣聞玄象示人吳穹凝
命曜為經而宿為緯則曰常名斗挹酒而牛服箱或標虛號未
若候時而出有道則彰居五福之先在三辰之列伏惟皇帝陛
下昭明老聃游泳莊寰式是中秋呈茲上瑞况見于五位又屬

寅時仰攷玄符乃有深意自南耀彩將弘解愠之風近曉流光
欲助無私之日皇心載裕靈鑒孔昭况居率土之濱皆慶後天
之壽臣誤蒙重寄實遠清光送玄燕於梁間傷時自切望白榆
於天上厥路無由賀聖戀恩無任蹈舞屏營之至

為柳州鄭郎中謝上表

臣某言臣伏奉 月日制書授臣某官者即以今月日到任上
訖臣某中謝臣緒承舊族師事通儒萬里成功雖無壯志九夷
不陋庶慕前踪二紀蠻貊三提郡印唯貞苦節以奉休辰牙官
一雙未嘗閑慮竹書兼兩

用吳祐事見後漢書

何敢經懷渭水之陰弊廬

斯託每還初服實慊上農今者又即殊方復臨襍俗固蒙聲教
終遠文明謹當宣舉詔書撫安縣道媒官用高媒事見月令注學舍畢納
于人倫畜蠶帶牛盡移于地利至于因避弄法扶遠生情縱漏
嚴科必貽陰責山兼象縣江帶龍城撫已跼天敢忘立造舉頭
望日何處皇居憑用即以今月二日雪泣西拜星馳東下京城
思入雖有類于陳咸關外恥居安敢同于楊僕無任瞻天戀闕
之至謹附中使某奉表陳謝以聞

為安平公充海謝上表

臣某言臣自承明詔移鎮東藩望闕而血涕以辭戒途而星奔

不息即以今月五日到任上訖當時集軍州官吏等宣布皇風

闡揚玄造歡聲雷動嘉氣雲高臣某中謝臣本由儒業獲厠榮

朝粵自烏臺至于青瑣累更近地皆奉休期用盡心以書紳長

憂福過取知足而銘座敢傲時來旋屬皇帝陛下垂意闕城推

心旬服俾之防遏兼使緝綏橫被天波未移星琯豈其非次忽

致殊遷察俗雄藩分榮大憲地濱河濟山奄龜蒙今孔里周封

有堯祠舜澤九州之名數甚古三代之禮樂舊傳退省何人合

安茲地撫躬而挾背汗下仰恩而溢眚泪流況所部驍雄素兼

節制為于當代便屬文臣畫武聚黃皆惟久事筆硯佩鞬戴鶻

今寧能執干戈幸臣前在華州日度奉詔條克宣戎律檢下而

羊無

九

牧馭熙而犬用左牽用令去任之時大有遮面之請盡

三屬縣至萬餘人不放即途皆來卧轍

見崔戎本傳

竟稽朝發遂致

宵奔請于茲時亦因前政異漸令蘇息長使謐寧然後遠訪雲

亭高尋日觀備萬乘登封之所設諸侯朝宿之儀盛禮獲窺微

顛斯畢過此已往不知所圖無任戴恩隕越之至謹差某官某

奉表陳謝以聞

為濮陽公陳許謝上表

王茂元封濮陽郡侯

臣某言臣伏奉 月八日制書授臣前件官臣即以某月日到

任上訖當時集軍州官吏僧道耆老等諭揚皇化宣布睿慈連
營成鼓于巽風闔境均沾于允澤臣某中謝臣才謝漢飛義慙
燕使獻書求試學劍邀勛大舸千艘早竊樓船之任勝兵萬數
晚兼車騎之名雖任在啟行而時當柔遠珠崖銅柱祇務廉平
麻壘艾亭莫能恢復旋屬皇帝陛下荆枝叶慶棟蓂傳輝臣得
先巾墨車入拜丹陛蘭臺假號棘署忝榮奉漢后之園陵獲申
送徃掌周王之廩庾方切事居不謂遽董戎旃還持武節賜國
既高于七命承家又慶于重侯維彼壁田實聯昇邑古之近甸
今也雄藩想像汝南星聚而先賢未遠經過潁上水濁而強族

皆除況在昔年嘗隣多壘載瞻軍額深見士心貴忠孝之兩全
則忠因移孝正文武之二道則武可輔文將謀將領之能必重
英豪之選豈虞拔擢乃出屏微謹當阜俗而必致人和貞師而
不為兒戲使流庸自占驍早知方任常水薤之規臣當可復黃
霸米藍之政臣亦不遺粗勤報效之資用贖貪饕之責奉違軒
鏡幾落堯裳比園葵以自傾晝惟向日羨梅槎之不繫秋則經
天感激而淚血沾衣兢憂而汗雨浹背無任感恩戀闕兢惕屏
營之至

為濮陽公陳情表